

Q. D. B. V.

DISSERTATIO INAUGURALIS JURIDICA
DE
TACITO PIGNORE
LOCATORIBUS
COMPETENTE

QUAM

DIVINA FAVENTE CLEMENTIA
IN ILLUSTRIS ARGENTORATENSIVM
ACADEMIA,
EX INDULTU

MAGNIFICI ICTORUM
COLLEGII

PRO LICENTIA

SUMMA IN UTROQUE JURE PRIVILEGIA
DOCTORALIA
RITE CONSEQUENDI

PUBLICO AC SOLENNI ERUDITORUM EXAMINI

D. 28. JAN. MDCCXXXVII.


IN AUDITORIO HYBERNO, HORIS CONSUE-
TIS SUBMITTIT

FRANC. JACOBUS VOIRHAYE,
TABERNENSIS ALSATA.

Typis, MELCHIORIS PAUSCHINGERI, Typogr.

DEO,
PATRIÆ,
PARENTI,
PATRONIS

atque
AMICIS.



I. N. D. N. J. C.

DISSERTATIO INAUGURALIS JURIDICA

D E

TACITO PIGNORE LOCATORIBUS
COMPETENTE.

§. I.



Arii in jure nostro reperiun-
tur modi, quibus aliquem
securum reddere possumus,
nimirum vel per *fidejussores*,
vel per *pignora*, vel per *juramentum*,
vel denique per *nudam promissionem*.

A 2

Mo-

Modus iste, qui pignoribus fit, frequentissimus fere omnium est, non enim facile ac lubenter alicui quis credit, nisi prius sibi de pignore prospectum esse sciat, secundum MARTIALEM *Lib. 12. Epigram.*

*Cum rogo te nummos sine pignore, non habeo, inquis,
Idem, si pro me spondes agellus, habes.
Quod mihi non credis, veteri, Thelesine, sodali,
Credis colliculis arboribusque meis.*

Hoc autem pignoris nomen variam in jure nostro habet significationem; interdum enim sumitur pro ipsa re oppignorata, *L. 4. L. 8. §. 5. ff. de pignor. act. L. 13. §. 4. §. 6. L. 16. §. 3. §. 5. ff. de pignoribus.* & plurimis aliis in locis. Quandoque denotat ipsam contractum pignoris, ut in *L. 1. §. ult. ff. de pactis.* Sæpius denique consideratur, ut *Jus Creditori in pignore constitutum*, ut in *L. 4. L. 5. L. 11. §. 2. L. 13. L. 16. ff. de Pign.* & toto titulo *ff. qui potiores in pignore*, item, *quibus modis pign. vel hypoth. solvitur.*

§. II.

Definitur autem pignus in ultimo sensu sumtum, quod sit *jus in re aliena mobili vel immobili creditori in securitatem debiti vel crediti competens*. Constituitur autem vel à *voluntate & facto hominis*, vel ex *speciali Legis dispositione*. Unde omne jus pignoris vel *expressum* vel *tacitum* seu legale est. Illud solius hominis, hoc solius legis est, ut homine etiam invito introducatur, licet, quando quid negotii facit, in quo tacitum pignus lex constituit, etiam in illud consensisse præsumi possit. Habent autem tacitum hoc pignus à lege definitum præter multos alios etiam Locatores in bonis eorum, quibus prædium locatum, pro pensione & damno rei locatæ conductæ facto.

§. III.

Quæritur autem, si conductor prædium deterioravit, vel totam pensionem

non solvit, *quam res pro mercede aut damno dato pignoris jure teneantur?* Respondetur, prouti ex variis legum textibus constat, distinguendum esse hoc in casu inter prædium urbanum, & prædium rusticum. Quod si prædium urbanum alteri locatum, tunc omnes res inquilini in prædium urbanum illatæ aut investæ Locatori tacite obligatæ sunt, & pignoris titulo nectuntur, etiamsi nihil nominatam hac de re inter partes conventum sit. Quod si vero prædium rusticum alicui locationis jure traditum, tunc tantum fructus, qui ibi nascuntur, tacite intelliguntur pignori esse domino fundi locati, licet nihil de iis stipulatam sit. *L. 7. ff. in quibus caus. pign. vel hyp.* observa autem, ut HEIGIUS *in Instit. de act.* docet, quod necesse sit, ut fructus illi pensionis persolvendæ tempore extent, si quidem pro consumptis, alienatisque locatori nullam competere actionem ex tacita hypotheca sit.

statuit in tantum, ut si ex pretio eorundem fuerit emptum prædium, vel quid aliud, illud non censetur hypothecatum, vid. *L. 3. C. in quib. caus. & MENOCH. de adipsc. rem. 3. n. 120. 121.* Ratio est, quia in hac hypothecarum materia pretium loco rei non succedit. *L. ff. 1. de distract. pign.*

§. IV.

Illata autem vel invec̃ta in prædium rusticum quod attinet, illa aliter pignoris jure non tenentur Domino, quam si expressa conventio intercesserit, quod aperte probat *L. 4 ff. in quibus caus. pign. & L. 5. C. Locati.* Ratio hujus differentie si quærat, ea sumenda est ex moribus populi Romani. In rusticis enim prædiis satis cautum esse credebant, si fructus in eis nati tacite obligati essent locatori, adeoque alio pignore opus non esse volebant, & equi, boves, & hujus generis alia

alia non aliter ipsi obligata erunt, nisi id expresse conventum, juxta *L. 4. § 7. ff. in quib. caus. pign.* Quæ ratio cum in prædiis urbanis cesset, quoniam in his nulli fructus nascuntur, ideo necesse est, ut lex succurrat Locatori prædii urbani, ipsique securitatem in aliqua re constituat. Hinc etiam factum, ut pro pensione & deterioratione rei locatæ omnia inquilini invec̃ta, inducta & illata locatori, sive sciat, sive ignoret, id est, sive convenerit, sive non, tacite pignoris nomine obligatæ sint, ita ut, si res conductoris in domum illata postea ad tertium perveniat, locator agere possit vel actione hypothecaria vel interdicto Salviano ad avocandam rerum tali modo obligatarum possessionem, & quidem non solum contra conductorem & ejus heredes, sed etiam contra quoscunque rei oppignoratæ possessores. *L. 1. ff. de Interd. Salviano.*

§. V.

Quæritur hac occasione , an istæ res investæ possint à locatore pro alio debito vel antiquo vel interea factò retineri? Videtur quod non retinere possit creditor rem oppignoratam, quoniam pecunia, cujus ratione pignus constitutum, soluta est, nunc autem constat ex *L. 5. ff. quib. mod. pign. vel. hyp. solv.* quod pignus liberetur solutione ejus pecuniæ, pro qua obligatum. Deinde videtur quoque iniquum esse, invitis nobis res nostras detineri ab alio cessante principali obligatione *L. 25 §. 1. ff. solut. matr.* Verum affirmativam sententiam hac in re fovendam esse, cum BARTOLO *in notis ad L. 11. § solutam inf. ff. de Pignor. act.* quamplurimi docent ob *Legem 1. C. etiam ob chirograph. pecun.* in qua expresse sancitum est, quod pignus habens possit rem oppignoratam retinere non tantum in eam summam, cujus intuitu obligata est, sed &

B in

in debitum, quod sine pignoris nexu nudo chirographo comprehensum, & quidem jure exceptionis oppositæ actioni pignoratitiæ, quam debitor intendit. vid. *MANTICA de tacit. & ambig. convent. L. ii. tit. 15. n. 12. SURDUS Dec. 46. n. 9. BURSAT. Conf. 9. n. 28. GREGOR. decis. 254. n. 2.* Quorum sententiam & ego sequor, modo debitum, pro quo pignus retinetur, liquidum sit.

§. VI.

Ratio hujus rei justissima est, quoniam debitor improbe facere videtur non solvendo, quod se debere fatetur, & animum satis improbum & malitiosum declarat, qui petit, ut creditor stet promissis à sua parte, & pignus ex contractu restituat, sed ipse debitor non vult stare promissis, & contractum à sua parte implere, id est, non vult debitum solvere. Nec ullius momenti sunt dubitationes
supra

supra allatæ , cum prima vera sit , quando una tantum res debetur , hac enim soluta solvitur & pignus , quod ei adjectum est , non vero quando duæ sortes uni personæ debentur , hoc enim casu propter rationes jam adductas aliud dicendum est. Secundam dubitandi rationem quod attinet , illa quoque vera est , quando nobis invitis res nostra sine causâ detinetur , secus si cum causâ. Nec etiam obstat *L. fin. C. commodat.* quoniam plane de diverso casu ibi mentio fit , scilicet , quando creditor volebat retinere rem , quæ non erat obligata pro aliquo debito , ut est res commodata , hoc enim casu eam retineri non posse , indubitati juris est .

§. VII.

Mittamus hoc , atque transeamus ad supra positam decisionem , qua differentia data inter prædia rustica & urbana , si forsitan locatôr tacitum jus pignoris in illatis vel in vectis præ-

tendat. In illis coloni res, quas in fundum infert, obligatæ sunt domino, si expresse stipulatus sit, in his autem inquilini res illatæ in domum conductam, siue dominus nominatim hac de re convenerit, siue non, semper tacite ei oppignoratæ sunt. Nec obstat, quod in vecta in stabula tacito pignore locatori teneantur L. 4. §. 1. ff. in quibus caus. pign. cum tamen stabula inter prædia rustica referenda sint. Nam respondetur, stabula mixti generis esse, atque partim usui urbano, partim rustico inservientia, in casu Legis 4. §. 1. ff. eod. stabula magis ut urbana prædia quam rustica consideranda sunt.

§. VIII.

Obstare autem videtur secundo L. 3. ff. eod. ubi ULPIANUS dicit, si horreum fuit conductum vel diversorium vel arca tacitam conventionem de invectis, illatis etiam,

etiam in his locum habere putat NERATIUS. Ex quo colligere quis posset, quod etiam sine conventionē res in prædium rusticum investæ tacite locatori obligatæ sint, quoniam horreum non est prædium urbanum, sed rusticum ex eo, quia fructibus condendis comparatum est. Verum respondetur horreum non tantum fructibus condendis, sed etiam mercibus custodiendis. destinatum est, prouti DION. GOTHOFREDUS in notis ad istam *Legem tertiam* demonstrat, ex quo simul patet, horreum ibi sumi pro loco, in quo mercatores suas merces custodiunt. adeoque urbano, non vero rustico prædio adjungendum esse nullus dubito.

§. IX.

Tertio denique dubitandi argumentum præbet §. 7. *Inst. de actionibus*. ubi videmus, actionem Servianam dari de rebus coloni. Verum facile tolli potest

B 3

hæc

hæc dubitandi ratio, dicendo: quod actio Serviana detur non de omnibus, sed de illis tantum rebus, quæ pignoris titulo neſtuntur vel ex ſpeciali legis attributione, vel ex factò ſeu voluntate hominis expreſſa. Deinde non quaeritur ibi, quæ res pignori ſint, ſed ſi ſunt pignoris nomine obligatæ, qualis ad eas perſequendas competat locatoribus actio. Denique maximopere noſtræ ſententiæ contrariari videtur L. 7. §. 1. *ff. in quib. cauſis*, ubi dicitur, omnia in locum (adeoque ſive ruſticum, ſive urbanum) illata, ut ibi ſint, tacite pignori eſſe. Verum reſpondet Cocceius *in Jure Contr.* h. t. quod debeat referri hic paragraphus non ad principium ejusdem legis ſed ad præcedentem legem ſextam, ubi dicebatur inveſta in prædium urbanum eſſe tacite pignori, hic jam pergit, non de omnibus inveſtis id verum eſſe, ſed de illis tantum, quæ invehuntur, ut ibi ſint.

§. X.

His & aliis non obstantibus, illa semper prævalet sententia, quæ differentiam in supra allegatis legibus fundatam facit inter illata & inuenta in prædium urbanum, & inuenta in prædium rusticum, Hæc non aliter, nisi expresse conventum, locatori oppignorata sunt. Illa vero etiam sine conventionem tacite obligata habet locator, & licet hic insuper sibi de speciali hypotheca providisset, tamen hoc nullum generaret præjudicium, quia per hoc non censetur voluisse sibi præjudicare in tacita hypotheca inuenta à lege, prouti communis DD. opinio docet, vid. *SURD. conf. 209. n. 12. MANTICA d. t. 15. n. 191* Nec contra hanc assertionem militat *L. f. Cod. de pact.* ubi dicitur, provisionem hominis legis provisionem tollere, siquidem tum demum brocardium hoc locum habet, & procedit, quando in defectum provisionis legalis hominis provisio facta, non quando ex alio, veluti hic, manat fonte. §. XI.

§. XI.

Ampliatur prædicta regula etiam in subconductore, ita ut beneficium hujusmodi taciti pignoris competat locatori etiam contra istum, qui rem à primo conductore locationis conductionisque titulo accepit, & res a secundo conductore illatæ pari ratione primo locatori pro pensione & deterioratione hypothecatæ sint, ut probat L. 11. §. *solutam ff. de pignor. act.* ita tamen ut eadem distinctio, quæ supra data, observanda sit scilicet inter inquilinum, qui prædium conduxit urbanum, & colonum seu conductorem prædii rustici. Secundi inquilini res illatæ tacite Domino fundi semper obligatæ sunt, imo & fructus in fundo coloni nati, non vero ejusdem bona in prædium rusticum illata, nisi expressa interveniente conventionione. Et sic concilianda est L. 11. §. *solutam ff. de pignor. act. cum L. 24. §. 1. ff. locat.* quippe in qua
ulti-

ultima, dum res posterioris conductoris domino fundi non obligatas esse refert, tantum sumenda de locatore prædii rustici, qui sibi de pignore in illatis nominatim non prospexit.

§. XII.

Quod si itaque primus locator in contractu stipulatus sit à conductore immediate expressam hypothecam, quia, cum in ea expressa veniant nomina debitorum, sic haberet hypothecatum utiliter nomen sui istius debitoris, & sic agere posset contra ipsum, ejusque bona. Et licet secundus conductor non sit personaliter obligatus primo locatori, & sine personali obligatione non possit à principio constitui hypotheca, tamen hoc non obstante res in vectæ & illatæ per secundum conductorem sunt tacite oppignoratæ primo locatori, per obligationem primi conductoris, quia in obligatione primi conductoris obligatio contracta ad fa-

C

vorem

vorem locatoris, inest illa alia obligatio contracta per secundum, & sic locator dicitur habere illam utilem actionem hypothecariam, vid CAROC. *de locat. p. 5. tit. de invest. quest. 3. n. 9. & 10.*, dicens: posse locatorem prohibere, ne dominus distrahat res investas ratione suæ tacitæ hypothecæ, & quod dicitur in secundo, procedit in tertio, & deinceps alio subconductore.

§. XIII.

Limitatur tamen hujusmodi remedium competens in bonis investis & illatis per secundum conductorem *primo*, si non totum prædium à primo conductore secundus acceperat, sed tantum aliquam partem, hoc enim casu, res secundi conductoris obligantur domino fundi, non in totum & universam conductionis causam, sed pro ea tantum prædii parte, quam primus secundo conductori sub-

sublocaverat , & pro ea saltem merce.
de, quam secundus promiserat. *Secun-*
do quoque bona per secundum condu-
ctorem illata non sunt tacite obligata pri-
mo locatori , si secundus conductor gra-
tis à primo conductore domum accepis-
set, vid. BARTOL. *in not. ad L. 11. §. solut.*
ff. de Pignor. act. & MENOCH. *de adipis.*
poss. rem. 3. n. 10. & NEGUSANT. *de Pigi-*
norib. p. 2. memb. 4. n. 136.

§. XIV.

Quæritur autem in hoc casu gratuita
factæ locationis, an secund conductoris res
illatæ tam pro pensione quam deteriora-
tione rei locatæ non obligatæ intelligen-
tur, an verò saltem pro pensione, & non
pro damno in re locata dato? Respondetur,
non obligatæ censentur pro mercede, be-
ne tamen pro deterioratione. Ratio hujus
rei hæc esse videtur, quoniam enim hypo-
theca in illatis competens ex duplici cau-

sa oritur, partim respectu solvendæ pensionis, partim ratione damni dati resarciendi; hinc videndum, pro quo se obligasse censendus sit. Pro priori casu secundus conductor, qui gratis conduxit à primo, non videtur se obligare pro pensione primi conductoris, quoniam cum conductore non est à subconductore initum pactum de solvenda pensione, sed locatio gratuito facta, & propterea præsumitur abesse animus, quod voluerit obligare sua bona pro debito prorsus alieno, & subordinatur hypotheca ad favorem primi tantum ex obligatione ad pensionem expresse facta secundo, à quo ille causam habet. Aliud vero dicendum est in altero casu pro deterioratione scilicet ex facto ipsius conductoris secundi male utentis re conducta, quoniam alia adest ratio, & gratuita concessio non nocere debet domino respectu deteriorationis, ad quam præstandam præsumi-

tur

tur secundus conductor obligasse sua bona invec̃ta & illata. vid NEGUSANT. *d. t.*
p. 2. memb. 4. n. 138.

§. XV.

Coronidis loco videndum quoque esse autumo, an prædicta in legibus constituta differentia inter res illatas in prædium urbanum & rusticum hodie adhuc in viridi observantia sit, & specialiter locator prædii rustici opus habeat, ut per pactum de rebus in fundum à colonis illatis sibi pignoris nomine prospiciat? Plerique recentiores rejiciunt hanc differentiam, statuentes: indistincte illata & invec̃ta in prædium conductum siue rusticum fuerit, siue urbanum, pignoris nexu tacite obligata esse, prouti MEVIUS *P. 4. Dec. 127.* docet, & licet alii contrarium observari, & istam differentiam adhuc communiter receptam esse asseverent, in Pomerania tamen eam abrogatam esse ex eodem MEVIO constat.

§. XVI.

Quicquid sit hujus rei , illud adhuc addendum esse existimo , quod locator, qui tacitam vel expressam hypothecam in illatis præterdit, probare debeat, res ea intentione, eoque animo in prædium inductas esse, ut ibi maneant *L. 7. §. 1. ff. in quib. caus. pign.* quod dignosci ex qualitate rerum potest. Hinc res venales in vectæ, non obligatæ sunt, quoniam non sunt illata in fundum, ut ibi durante locationis tempore maneant, sed ut pro occasione & tempore distrahantur. Nec chirographa, aut instrumenta debitorum pignoris nexu nectuntur, quoniam illata censentur, ut quam primum possint exigi, non vero ut ibi perpetuo maneant vid. *MANTICA d. t. Lib. 11. tit. 15. n. 35.* & ita non veniunt in generali obligatione bonorum restricta ad certum locum. Tertio nec subiacet hypothecæ legali pecunia in vecta, quoniam non censetur indu-

inducta, ut ibi permaneat, propter ejus frequentem & celerem motum, unde etiam semper dicitur parata alienationi, & propterea connumeratur inter ea, quæ servando servari non possunt. Secus autem dicendum est, quando est recondita in arca, ut non diutim expendatur, sed ut sit loco peculii. vid. GOMEZ. n. 20. Idem & quarto statuendum de omnibus rebus prohibitis. An vero studiosorum libri in museum conductum illati pro pensione tacite obligati sint? ardua inter DD. quaestio est. Communis eorum opinio est, quod non, quoniam ejusmodi hypotheca aliquatenus naturam sapit generalis hypothecæ, in quam non veniunt ea, quæ in quotidianum usum habentur, & quæ verisimile est, quæquam specialiter obligaturum non fuisse, *L. 6. ff. de Pign.* hujusmodi res sunt libri studiosorum, quibus carere non possunt sine jactura eruditionis, in quo

quo etiam interesse quoddam publicum
versatur , Salus enim Reipublicæ su-
prema Lex est , & omnium rerum
debet esse

F I N I S.

COROLLARIA.

I.

Is, qui in utero est, habetur pro jam nato.

II.

Servi quoque injuria affici possunt.

III.

A sententia arbitri appellare non licet.

IV.

Miles exaucloratus efficitur infamis.

V.

Monstra non habentur pro liberis.

VI.

*Legatum Parocho relictum censetur ad pias causas
factum.*